

di leto, e il maistro di campo si armò; poi non fo nulla.

391* *Da poi, al tardi, vene letere dil provedador Capello, di 20, hore 18, breve.* Come il papa havea auto la Mirandola, in quella hora, a sua description; et intrava dentro, a tuor il dominio, el cardinal Pavia et lui provedador, di hordine dil pontifice. Dove era 300 fanti et 200 cavali, e non altra zente. Et, per una altra, scriverà copioso. La qual letera fò sola a la Signoria, et zonse in questa terra a hore...; aduncha la vene in horre...

Et per còlegio fo scritto in campo al provedador Griti, e avisatoli tal nova. *Item*, fo terminà continuar scriver et armar le barche etc.

A dì 22. La matina. In Rialto li consieri veneno a incantar le galie de Constantinopoli; era assa' che le volevano, perchè hanno boni doni, e sarano bone galie, dil 14... in qua più non andate. L'ultimo capitano fo sier Et la prima ave sier Hironimo Marzello, *quondam* sier Andrea, per lire 90; la 2.^{da}, sier Zuan Contarini, di sier Marco Antonio, camalli (*cazzadiavoli*), per lire 120.

Item, fo sposà la fia di sier Piero Trun, mariata in sier Marco Antonio Grimani, di sier Francesco, dove fo tutta la terra. Fo sposà in caxa; e rimase a disnar li più di 300 patricij, di primarij di colegio e pregadi, et done zercha; computà citadine visentine etc. E fo, a trombe e pifari, poi fato una festizuola per li compagni Eterni. Fo signor sier Alvise Morexini, *quondam* sier Michiel etc.

Da poi disnar o fu. E la sera si presentono questi a li cai dil consejo di X, justa la proclama fata, *videlicet*: sier Alvise Soranzo, *quondam* sier Velor, ch'è il principal; suo cugnato, sier Filipo Capello, di sier Pollo, cavalier, è provedador zeneral in campo; soi zermani, sier Nicolò Vendramin, *quondam* sier Polo, *quondam* serenissimo, et sier Zuan Fosearini, *quondam* sier Nicolò, et sier Bernardo Venier, *quondam* sier Giacomo, e sier Zorzi Valaresso, *quondam* sier Marco; nè altri zentilhomeni è stati. *Item*, Alvixe Durante e Francesco Testa; *item*, Piero Vilam, ya comito di galia, e Zuan Francesco Valier, fiol natural di sier Carlo, tutti stati a trar dito sier Alvise Soranzo di caxon, et 4 fameglj absentadi; nè altri è stati. Hor, li cai di X li tolseno in nota, et il Soranzo fo retenuto, li altri mandati a caxa, e venisen tutti la matina a presentarsi.

392 *A dì 23.* La matina. Fo neve et pioza grande et vento. Nulla fu da conto; *solum* letere di Montagnana, dil provedador Griti. Come exequirà li mandati

di la Signoria nostra, di vegnir sul Polesene, lasando etc.; ma bisogna danari per pagar le zente. Et il signor governador vol far i soi conti; dice dia aver assai etc.

Da poi disnar fo consejo di X semplice, posto pena a tutti ducati X per uno, andaseno, per la cossa di sier Alvise Soranzo e compagni etc. Et cussi reduti, la nome di qual sarano notadi qui di soto, et fu preso di retenirli tutti. Li qualli questa matina si presentono, et rimaseno a disnar in canzalaria di suso, serati, et fonno la sera posti cadaum da sper si, *videlicet*

Sier Alvise Soranzo, *quondam* sier Vetur, in ...

Sier Filippo Capello, di sier Polo, el cavalier, in Torresele.

Sier Nicolò Vendramin, *quondam* sier Polo, in cha' dil scaleho.

Sier Zuan Fosearini, *quondam* sier Nicolò, di sora l'Avogaria.

Sier Bernardo Venier, *quondam* sier Giacomo, in Camera Nuova di Signor' di note.

Sier Zorzi Valaresso, *quondam* sier Marco, in ...

Et li altri *etiam*, retenirli tutti in diversi lochi.

Quelli fonno ozi dil consejo di X.

El serenissimo principe.

Consejeri.

Sier Bernardo Bembo, dotor, cavalier.

Sier Hironimo da Mulla.

Sier Nicolò Donadò.

Sier Piero Duodo.

Sier Alvixe Capelo, cazado.

Sier Alvixe Malipiero.

Avogadori.

Sier Piero Contarini.

Sier Nicolò Dolfim.

Sier Gasparo Malipiero.

Consejo di X.

Sier Domenego Benedeto, cao.

Sier Piero Capelo, cazado, cao.

Sier Antonio Zustignan, dotor, cao.

Sier Hironimo Querini, fato cao per questo.

Sier Anzolo Trivixan.